

INUIT ATAQATIGIIT INATSIARTUNI



UKA2025/139

24.10.2025

Mariane Paviassen Jensen

Partiit nunanit allanit tapiissutinik tapiissuteqartunik
pissarsiaqarsinnaatitaannginnermut aamma partiit nunatta avataani najugaqartut
angerlarsimaffeqartulluunniit **Qallunaat Nunaanneersut Savalimmiuneersullu**
inerteqqummut ilanngunneqarnissaat pillugu Inatsisartut inatsisaat nr. 14, 4.
februar 2025, § 4b allanngortinneqarnissaanut Naalakkersuisut inatsimmut
allannguutissamik suliaqaqqullugit Inatsisartut aalajangiiffigisassaattut
siunnersuut. Siunnersuut kingusinnerpaamik UKA2026-mi saqqummiunneqassaaq.

(Inatsisartunut ilaasortaq, Pele Broberg, Naleraq)

Oqaaseqaat.

Inuit Ataqtigiiinni siunnersuutip uumap siunnersuutip qinigaaffik kingulleq
naaliivissoq oqaaseqaaterput attapparput.

Inuit Ataqtigiiinni nunatta avataaniit taperneqarneq ajorpugut.

Inuit Ataqtigiiinni qinikkatut sulinitinni nammineerluta partiitinnut
anigaasalersueqataavugut partimut akileraarummik taallugu qaammatit tamaasa
naalakkersuisut, inatsisartut, kommunini qinikkat, nunaqarfiit aqutsisuini qinikkat,
kattuffimmut akiliuteqartinneqartarnerisigut.

Siunnersuut una qinigaaffik kingulleq naaliivissoq naammassereersimasinnaagaluq,
taamaattorli taamak pinngitsoornerata kingorna maanna suliareqqilerparput,
siunnersuullu sooq oqaqaat isummagut naappertorlugu partiit sorliilluunniit nunatta

INUIT ATAQATIGIIT INATSIARTUNI



avataaniit sumilluunniit taperneqartaqqunngilagut, aningaasatiguuppat, takoqqusaarutitsiguuppat, angalanissanut tunngasuuppata, unnuinernuuppat, allatigulluunniit partiit iluaqutigisinnaasaanniit nunanit allanik pissarsisaqarsinnaasanngillat.

Aammali inatsisartuni ilaasortat ataasiakkaat nunani allaniit aningaasanik taperneqarsinnaasuunnginnissaat siunnersuuteqartup siunnersuutaatulli pingaaruteqartigisoq oqaatigissavarput, qinikkat ataasiakkaat ass. USA-mit Kina-mit, Australiamit, naalagaaffeqatitta iluaniit nunanit allaneersunit, ilami nunani tamanit nunatta avataaneersunit taperneqartassanngitsut Inuit Ataqtigiinni pingaartipparput, taassanilu soorunami partiiniit allaniit tapiissutaappata imaluunniit suliffeqarfinniit, anguniagaqaqatigiiffinniit sumilluunniit nunani allaneersunit taperneqaqqusaanngitsoq inatsimmi ilanngussisoqartariaqarpoq. Tamakkulu tunngavigalugit ataatsimiititaliamut inatsisinut atuutitsinermut suliaqartunut suliassaq suliakkiupparput.

Qujanaq